

Namołwa němskich biskopow k hodownej zběrce

Adveniat 2008

Lube sotry a lubi bratřa we wěrje!

„Wulke město nastawa, kotrež z njebjes přichadža, nas tu wozboža“ - takle něhdže spočina so němski kěrluš. Wón nawjazuje na znamjo „noweho Jerusalema“ a připowědža městno wěrneho žiwjenja. W tutym wulkim měsće Božim maja wšitcy ludžo wuček, škit a spomóženje namakać.

Kajki to kontrast k městam našeho swěta! We wulkich metropolach Łačonskeje Ameriki su miliony w chudych štwórcinach na najwušim rumje hromadže stłóčeni. Su žiwi pod njemóžnymi wobstejnosćemi, bjez džěta, bjez perspektiwy.

Tute města maja městna Božeje přitomosće być? Haj! Přetož „Bóh je w jich srjedziznje“, kaž w Zjewjenju swjatemu Janej rěka (Zjew 21,3). Z tutym bibliskim hesłom wotmołwa lětuša Adveniat-akcija na prašenje za Bohom we wulkoměstach Łačonskeje Ameriki. W sćinje wysokodomow Rio de Janeira abo Sao Paula zetkawaja so ludžo k modlitwje, čerpaja móc z wěry a zasadžeja so zhromadnje za dostojne čłowjeske poměry. Su žiwi z nadzije, dokaž wědža, zo je so Bóh najbědnišim přidružil. „Bóh je mjez nimi.“

Biskopska akcija Adveniat podpěra ludži Łačonskeje Ameriki w jich prócowanju wo poradžene žiwjenje w čłowjekam přecelných městach.

Pomhájce tež wy ze swojim wulkomyslным darom w hodownej zběrce 24. a 25. hodownika!

We Würzburgu, 25. septembra 2008

Za Drježdžansko-Mišnjanske biskopstwo

+ Joachim Reinelt

biskop Drježdžansko-Mišnjanski